

保嬰撮要

保嬰撮要卷十九

續集

薛氏醫按

吳郡薛 已著

江都吳中珩校

痘稠密

張潔古先生云一發稠密如針頭者形勢重也輕其表面而涼其內連翹升麻湯主之然稠密之處各有經絡部分所屬額主心面主胃腹與四肢主脾脇主肝兩腋主肺下部主腎肩背主膀胱當隨見症治之若面色黃大便黑煩躁喘渴或腹脹者瘀血在內也用犀角地黃湯或抱龍丸生犀角汁但根窠分明肥滿

者無妨竊謂前症若屬心經用導赤散之類胃經用犀角散之類肝經用柴胡湯之類大凡稠密者熱毒熾盛也若密而不痛用東垣消毒散若密而作痛用仙方活命飲若密而小便不通用八正散若密而大便不通用承氣湯若密而惡寒發熱用麻黃甘草湯一小兒十三歲痘瘡稠密而痛脉洪數而有力先君用仙方活命飲二劑先出者痛頓止後出者隱於肉裏用東垣消毒散二劑隱者悉消又用活命飲一劑脉靜身安而痊

一小兒出痘稠密身側尤甚燉赤呻吟飲乳不徹先

君謂用膽之火助邪爲患故身側尤多乃乳母肝火傳變也用柴胡梔子散治其母子飲數滴而靨

一小兒痘瘡甚密身側尤甚貫膿不滿不紅活或云當歿於十二日余以爲氣血虛弱用八珍湯加糯米百粒數劑至十五日而愈

一小兒痘密而灰白色始末悉用補托之藥安後飲食過多嘔吐面青白唇目牽動先君以爲慢脾風症之漸不信翌日手足時搐用五味異功散加木香乾薑而愈

一小兒痘穢密色赤先君以爲熱毒用東垣消毒散

一劑初出者頃起後出者悉沒再劑如期而靨

一小兒稠密色黑煩躁喜冷手足並熱先君謂火極似水令恣飲芹汁煩熱頃止先用犀角地黃湯次用地黃丸料服之而愈

一小兒稠密出遲用四聖散而起發用參芪肉托散而靨後發熱惡寒用八珍湯而愈

一小兒痘密而痛用東垣救苦湯一劑痛頃止用禁草木通湯而愈

一小兒痘密身痛如刺用活命飲一劑其痛即止又用犀角消毒散而愈

一小兒痘初出密痛用東垣救苦湯痛止又用四聖散而發用犀角消毒而愈

麻黃甘草湯治表實痘毒炊盛稠密

麻黃

生甘草

右水煎服

柴胡梔子散

方見作疳抓破

甘桔防風湯

方見痘咳嗽

紫草甘草枳殼湯

方見痘喘

東垣消毒散

一名救苦湯
方見痘身痛

紫草木通湯

方見小便不利

仙方活命飲

方見痘癰

六味地黃丸

方見痘瘡發熱屬陰陽

小柴胡湯

方見癰症

四聖散

方見痘腹脹氣促

柴胡清肝散

即柴胡梔子散
一方見痘潮熱

紫草散

方見頂陷心煩

抱龍丸

方見痘癰搖

犀角消毒散

方見痘疔

痘吐瀉

痘疹方云痘疹吐瀉蓋因脾胃不和飲食不調

嘔吐泄瀉並用白朮散然瘡疹皆賴脾土脾土實則
易出易靨萬物得上氣溫煖而生吐瀉則傷脾土遂
有更變之症夏月中暑煩渴瀉或腹痛或欠筋用五
苓散加藿香傷食吐瀉用小異功散手足並冷者用
益黃散荳蔻丸頂陷灰白用木香散瘡正出而吐瀉
者或見血者俱爲逆症難治竊謂前症雖因脾胃不
和然邪實上焦則宜吐邪實下焦則宜瀉如吐瀉嘔
腐吞酸皆宜宣發但微甚不同耳張翼之云若痘疹
吐瀉少食爲裡虛陷伏倒靨灰白爲表虛二者俱見
爲表裡俱虛合用十二味異功散救之甚至薑附靈

砂亦可用若止裡虛去官桂止表虛減肉荳蔻若能
食便秘倒靨爲裡實而補當用錢氏及丹溪法下之
皆爲能食爲裡實裡實而補則結癰毒紅活綻凸爲
表實表實而補則潰爛不結痂凡痘見癰便忌葛根
湯恐發表虛也如有更變當隨症治之

一小兒痘初出忽吐瀉飲乳不歇屬脾胃虛弱用人
參白朮散作大劑母子並服又用五味異功散爲末
時以乳調服吐瀉止而靨
一小兒出痘作瀉手足並冷用十二味異功散稍愈
又用五味異功散加薑桂一劑而止又去薑加木香

二劑再用參芪四聖散而瀉

一 小兒痘瘡愈而作瀉不食此脾氣內虛先用五味異功散而瀉止食進後又傷食吐瀉發搐仍以五味異功散加天麻柴胡而愈

一 小兒痘後作瀉腹中疼痛手足竝冷此脾氣虛也用五味異功散加乾薑一劑乃去薑又數劑而痛止又用六君子湯加柴胡而瀉止

益黃散治瘡疹因煩渴飲水過多而傷脾胃吐瀉

丁香

訶子

煨

青皮

陳皮

木香

名等分

右爲末每服一錢水煎

橘皮湯治嘔吐不止飲食不入

陳皮

生薑

各一錢

人參

五分

右水煎作三四次服之

生氣散治脾胃氣虛吐瀉肚腹膨脹飲食不化或腹

痛不止

丁香

甘草

各五分

白朮

青皮

木香

人參

各七分

右水煎徐徐服

五苓散

方見小便不利

五味異功散

方見寒戰咬牙

對金飲治傷食吐瀉

方見不厭悶亂

荳蔻丸

方見泄瀉咬牙

十一味木香散

十二味異功散

二方見頭陷灰白

人參白朮散

方見發熱瀉陰陽

參芪四聖散

方見腹脹氣促

六君子湯

方見不厭悶亂

自汗

痘疹方云初起時自汗不妨蓋濕熱薰蒸而然也竊

謂前症因邪在經絡自能發散使邪氣外泄若見此
症不當用芪桂之屬以實腠理且自汗則痘熱已輕
升麻葛根之類在所當禁恐發泄太甚則津液內耗
陰隨陽散難以收靨靨後最宜審治若血虛者用當
歸補血湯氣虛者用四君子加黃芪氣血不足者十
全大補湯若飲食自汗者異功散楊氏云痘瘡一見
紅點升麻葛根便不可用此語甚是但此爲表虛及
無表症者而論若或邪在表痘赤綻嫩者又當用麻
黃甘草湯汗之腫嫩作痛者用活命飲加麻黃散之
蓋自汗盜汗爲病不同自汗者汗無時而自出也屬

陽虛盜汗者睡則汗出寤則汗收也屬陰虛汗者血
之所化陰氣不能閉藏所以睡則汗出也痘家當以
補血爲主若當歸補血湯六味地黄丸八珍湯人參
養榮湯之類皆可因症施治又有胃虛者宜用四君
及浮麥散食積內熱者宜用四君麴蘖未靨之際恐
致氣血虛而不能結痂既靨之後尤防血脫陰虛陽
無所附矣

一水兒痘將出自汗作渴發搐此心肝二經熱甚用
柴胡麥門冬散而熱症退用紫草快癍湯痘悉見又
用四聖散而結靨

一小兒痘出自汗發搐流涎此木火侮土先用五味異功散加釣藤鈎諸症頓減次以五味異功散加柴胡而安

一女子出痘色赤自汗發搐作嘔此肝火侮土先用五味異功散加柴胡釣藤鈎熱搐悉愈又用托裡散漿貫而愈

一小兒痘出自汗面赤作渴手足並熱大便乾黃此腸胃皆熱用瀉黃散末一服諸症頓退又用托裡散功散加山梔麥門冬而痊

人參養榮湯治氣血俱虛發熱惡寒肢體瘦倦食少

作瀉或久病虛損口乾欬而下痢驚熱自汗盜汗

白芍藥

金半

人參

陳皮

黃芪

炒

桂心

當歸

白朮

炒

甘草

炙各一錢

熟地黃

自製七分

五味子

林炒七分

遠志

五分

右每服二三錢薑棗水煎

麻黃甘草湯

麻黃

甘草

等分

右每服一錢水煎

浮麥湯

浮麥不拘多少炒香

右每服三五錢水煎

當歸大黃湯治血氣不足虛火內動煩躁自汗盜汗
不止方見煩躁

痒塌

陳文宿先生云痘瘡痒塌若臟腑調和血氣充實外
常溫煖內無冷氣必無此症設服宣利之藥所致宜
用異功散治之丹溪云痘疹痒塌者於形色脉上分
之實則脉有力氣壯虛則脉無力氣怯虛痒則實之
更加涼血藥實痒則大便秘結以涼藥下之竊謂用